

頌

天

臚

筆

頌天臚筆引

古今塗歌巷詠時聞頌君若贊日
月而美雨露則戴圓之下無其人
殆天無能頌乎然君至于無能名
又徃徃擬諸天大無能名而名之
不幾多言耶非也有不能已于頌

也臣織毛拾穗黃馘華山已類桃源隔世獨聞

今天子英年御宇不朞月而勝殘撥亂養民進賢覺逆奄時盲風怪霧之世界一轉而爲光天祗有鼓腹踴距愧無能名乃同里艸莽臣金

日升則挾所編頌天臚筆若干卷
相印矣日升貧而好遊學不仕而
時品邸鈔年來見

聖作物覩每槌案歡呼于改元初政
及

諭旨召對纂述咸得精要復裹糧重

跼奔走于楚越齊魯風節之墟遍
弔蒙難名賢訪其胤嗣綴其遺草
各舉當日情事抒寫成傳又於

環召諸公舊疏及臺省啓事凡忠言

讜論一一彙錄復謀梨棗傳之其
埋頭榻管眠食靡遑甚或鬻衣貸

粟以資剗闕至鄰俗竊笑而終不
顧真大奇亦大苦心矣因憶昔禪
叢假竊卽九章九轍攫爲猴冠自
謂必莫已知殆一布衣拈出轉同
秦鏡之照肝膽惟羣賢正氣獨緝
困宇宙之間譬諸祥鸞翺翺逝者

翔天存者巢閣無非光昭

盛理則誰榮誰辱何去何從哉第

明主方宵衣求治將來必遠邁堯舜

是編惡能盡之然謂非成功文章

之一斑可歟故臣無能頌也日升

之不能已于頌也亦無能名而名

之也已

崇禎己巳清和吉旦華山八十老
農臣朱鷺謹記

凡例

一諭旨

乾隆獨斷解澤覃敷敬勒大猷昭垂來禩惟邸
冊詔多亥豕兼野臣見隘井蛙磨對無從
糾正是待

一召對始自初元迄乎茲歲珥筆所紀授梓
無遺用彰喜起之風彌顯

離光之照不無脫簡咸本邸鈔

一贈廕累代栽培諸賢砥礪幸邀華袞

咸聞幽光敬述生平并牘原疏紙上生氣
凜凜人間大節章章

一簡鯨痛茲逆寺殄我詰人或解組而賁志
黃墟或荷戈而歸鬼白艸薶地之血已碧
掛天之氣猶青俄霈鴻施遂霑馬鬣泉
壤猶應銜戢野臣曷旣揄揚備著遺芳逾
昭異數

一起用見斥一鳴驚鬼數載出乎湯火邀此
恩膏諸賢何意取償四海實欣道長爰有

敘事以悉生平。并列原叅用昭禍本。若集
繇門戶。未覩封章。自簡

帝心。無煩野乘。

一戮璫。鸛逐雖有同心。扃揅實難創首。勲臣
抗疏。何愧朝陽。粉署連章。漸臻見睨。不芥
竹素。曷報葵丹。至于域黨反戈。寧許鴉音
混璞。

一抑黨。蟲百足而不僵。兎三窟而彌狡。殺人
媚人之輩。傳法護法之流。匪經白簡芟除。

孰撥青天雲霧。凡鋤逆翼。竝錄全章。

一啓事。衆正盈朝。嘉言溢牘。有懷必吐。無意
不釐。式徵止輦之弘。益見懸轡之効。美
言可市。私欣千腋爲狐。剖劂無貲。尚恨一
斑見豹。

一訟寃。瑞禍甫消。沉寃猶鬱。廼補未了之憾。
誠動天間。抒不共之仇。血濡霜簡。孤忠不
沒。純孝可移。至若百鍊幸存。一言自白。傷
哉痛定。幸矣來蘇。咸竝表彰。庶幾公道。

一附紀逆豎。賜張事變。蠶起災祲。疊告怪異。
屢書忠臣隕涕之篇。志士傷心之筆。爲言
不一。厥類難殫。並附終篇。以資博覽。

頌天臆筆總目

聖諭聖旨第一

聖諭二十八道
聖旨一百九十一道

召對第二

崇禎元年戊辰六月
至己巳正月共十通

贈廕第三

蒙難二十人
孝子一人

簡卹第四

請告廕斥終者六人
死戍一人

起用第五

建言削奪者二十六人
忤璫開仕者三人

啓事第六

詞臣一人
臺省十一人
部署一人

戮璫第七

天啓甲子二人
天啓丁卯六人

抑黨第八

天啓丁卯四人
崇禎戊辰一人

訟寃第九

附紀第十

為人訟者四人爲已訟者
四人爲父訟者十三人
爲義俠二篇
觸枉二篇
雜事十篇

頌天臚筆目錄

舛莽臣金日升次

第一卷

今上聖諭聖旨

龍飛初政 備記

大孝

聖諭四道
聖旨十七道

聖學

聖旨十一道

內治

聖諭三道

篤親

聖諭一道
聖旨八道

睿鑒

聖諭八道
聖旨三十二道

恩賚

聖諭二道
聖旨七道

第二卷

今上聖諭聖旨

龍飛初政 備記

旌忠

聖旨十三道

鋤姦

聖諭四道
聖旨四十三道

納諫

聖諭一道
聖旨二十四道

節用

聖旨五道

恤民

聖諭四道
聖旨十三道

禦夷

聖諭一道
聖旨十八道

第三卷

召對

崇禎元年

六月二十七日

七月初四日

七月十四日

七月二十六日

九月十四日

十月初二日

第四卷

召對

崇禎元年

十月十一日

十一月初六日

十一月十四日

正月二十八日 巳巳

第五卷

贈廕

凡以建言具見邸鈔者悉載

楊漣

傳略

紀事

兩朝登極
移宮始末

題爲逆璫怙勢作威專權亂政疏

聞逮奏 玉帝文

旅次朱仙鎮告岳王文

詔獄絕筆告獄神文

獄中血書

獄中遺筆

輓詩

附

左光斗

傳略

紀事

題爲

君命當遵臣誼難默疏

袁化中

傳略

題爲憲臣逐姦之論甚正

朝廷辨惡

之法宜明疏

第六卷

贈廕

魏大中

傳略

題爲合詞請納憲臣之忠以除逆璫疏

朝審紀事

詔獄後詩

魏學洙

孝子傳略

二篇

尺牘

六首

周朝瑞

傳略

題爲時事多艱正資講學疏

顧大章

傳略

自敘

奏爲據實剖明以待 聖明譴斥疏

奏爲臺臣非理相加微臣不得不辯疏

對簿詞

獄中筆記

六條

詔獄口授

刑曹事實

六條

第七卷

贈廕

繆昌期

傳略

自敘

詔獄詩

周宗建

傳略

題爲巨璫巧借兇鋒芟除善類疏

題爲奉

旨回話疏

題爲朝廷信義難輕官禁舉動難褻疏
題爲內臣非行邊之官禁兵無輕試之

理疏

第八卷

贈蔭

周順昌

傳略

紀事

忤閹
捐助

逮行
斃獄
枉奏始末

送應天巡撫周起元序

北行日譜

附

題箴記

附

李應昇

傳略

題爲罪璫巧于護身疏

題爲懇乞憐念死諫之臣疏

詔獄詩

遺子手筆

黃尊素

傳略

題爲輿情不可不孚疏

題爲士氣已竭死諫宜褒疏

詔獄詩

第九卷

贈蔭

高攀龍

傳略

遺表

題爲糾劾貪污御史以嚴考察疏

題爲愚臣失職循分自省乞賜罷斥疏

與王志道書 別友柬

周起元

傳略

題爲料銀濫取難徇疏

題爲懇天恩宥負累之屬吏疏

題爲道臣聞議求去據實糾劾疏

被逮事略

獄中寄兒書

第十卷

贈賡

萬燦 夏之令 吳裕中 丁軋學

劉鐸 蘇繼歐 張汶

七君子合傳

萬燦奏爲陵寢用工甚緊權璫造意故
遲疏

第十一卷

簡卹

北甌璫禍未受慘毒而卒者

葉向高

傳略

奏爲內外累隙已開隱憂未艾疏

奏爲臺臣人品自真科臣求多太過疏

奏爲時艱佐理無効懇恩休致疏

·茅維上福清相公書

附

侯震暘

傳略

題爲中外多虞用舍宜決疏

題爲絲綸千古爲昭寵愛一時宜斷疏

侯峒曾奏爲

聖恩夕拜重宣先臣朝

露不待謹鳴哀感兼剖孤忠懇查例

贈卹以貴幽壤以彰

皇仁疏

附

王紀

傳略

奏爲阿保權閹相比亂政疏

第十二卷

簡卹

趙南星

傳略

題爲言官阻抑用賢疏

鄒元標

傳略

題爲開學之原以定衆志疏

馮從吾

傳略

奏爲書院當建臣罪當黜疏

孫瑋

傳略

題爲老臣生還無日報國有心謹抒尸

諫愚忠以佐

聖明極治疏

第十三卷

起用

凡以封事觸牆者具存若槩
錄黨錮後黜者不能悉載

韓爌

天啓四年十一月廿五日一疏
崇禎二年三月廿三日一疏

敘事

奏爲奉職無狀乞賜罷歸疏

奏爲遵奉 聖諭事

孫慎行

天啓元年四月十七日一疏

敘事

奏爲綱常大分宜明疏

王政新

天啓四年六月十八日一疏

題爲微臣言所已言

皇上究所當究疏

梁元柱

天啓四年六月廿一日一疏

題爲穹蒼之告變已彰

聖主之去奸宜決疏

張鑛

天啓四年六月廿七日一疏
崇禎元年二月初七日一疏

題爲懇乞

聖斷亟除內奸疏

題爲巨憝雖已伏誅奸黨尚多漏網疏

第十四卷

起用

岳元聲

天啓四年七月十二日一疏
崇禎元年正月廿一日一疏

敘事

題爲權璫罪狀已著舉朝公論宜伸懇

乞

睿斷亟黜顯奸以隆治安疏

奏爲孤臣被黜無端逆璫脩隙有據直

陳情迹始末仰祈 聖鑒疏

附孤山歲寒巖記

楊朝棟

天啓四年七月十三日一疏

題爲逆璫惡貫已盈朝野積憤有日惟
立加殛遣以快人心疏

趙應期

天啓四年七月廿一日一疏

題爲憲臣持論甚正權璫罪狀已明懇
祈亟賜處分以伸國法疏

楊玉珂

天啓四年七月廿三日一疏

題爲士氣摧折已極
主恩培植宜先
疏

滿朝薦

天啓四年八月初三日一疏

奏爲天人交窮 皇路棊梗方正之清

議未著 祖宗之法度寢湮疏

鍾羽正

天啓四年九月初八日一疏

奏爲講學欽贊 聖功仕學原非兩事

謹罄愚心以明古義疏

黃承昊

天啓七年十一月一日一疏

題爲廢籍欣逢昌運臣鄉尚多遺賢敬

舉所知仰祈 聖明錄用疏

章允儒

天啓七年十月

伯一疏

題爲謹因選吏之詞疏

陳祖苞

天啓七年十一月初六日一疏

敘事

奏爲孤節至苦難伸微功已錄復遇敘

覆久明謹一一披瀝以祈聖鑒疏

吳煥

崇禎元年三月一疏五月兩疏
十月一疏

敘事

題爲

聖心離照甚明人情蒙見未撤

敬獻公平之論仰祈嚴行彰瘡疏

題爲封疆事重疏

題爲詞臣堅持成案叅疏

皇上銳意格天疏

陳必謙

崇禎元年十月

日兩疏

二年二月初七日一疏

敘事

題爲內計屆期敬陳一得以清仕路疏

王允成

敘事

題爲

第十五卷

啓事

凡據邸鈔全章者備錄

倪元璐

崇禎元年正月初八日一疏
二月一疏 四月一疏

奏爲世界已清而方隅未化邪氣已息
而正氣未伸疏

奏爲微臣平心入告臺臣我見未除謹
再申明以祈 聖鑒以質公論疏

奏爲公議自存要典宜毀疏

閔可陞

崇禎元年二月十四日一疏
三月初二日一疏

題爲起廢屢厯明旨酌用宜有定衡疏

曹師稷

崇禎元年二月十七日一疏

題爲特陳旌忠瘳惡之議以明憲典以
勗有位疏

臧照如

崇禎元年二月廿五日一疏

奏爲聖世作新當首崇易名之典明
綸求舊宜獨持正論之衡疏

鍾炆

崇禎元年三月十八日一疏

題爲被錮人材有偏受之毒幸逢

明聖有必鳴之情疏

張承詔

崇禎元年三月廿二日一疏

題爲廢籍欣逢拔茹輿情望切彈冠敬

附舉知之義以佐銓除疏

葉成章

崇禎元年四月十三日一疏

題爲真才當求實用舉賢要在真知謹

據見聞之最確者開列上請疏

第十六卷

啓事

沈惟炳

崇禎二年二月十一日一疏

題爲微臣奉簡首垣恭陳一得以裏王道之蕩平解朋黨之網羅疏

王道直

崇禎二年二月十六日一疏

題爲微臣陛辭有日憂時無窮懇乞嚴邪正之防厯剴復之關疏

張三謨

崇禎二年二月十八日一疏

題爲圖治貴于有方上下道宜交盡備

述治亂之形任事用人之法疏

范復粹

崇禎

年

月

日一疏

題爲仰遵明旨舉用真才以襄盛治疏

郁成治

崇禎

年

月

日一疏

題爲共躋登言之路首明立言之心疏

毛羽健

崇禎

年

月

日一疏

題爲微臣先伏斧鑕疏

喬允升

崇禎二年三月廿二日

題爲遵 旨會議疏

第十七卷

戮璫

兵部公疏

天啓四年六月初九日 上

題爲權璫罪狀已著天討難容疏

朱國弼

天啓四年六月初十日 一疏
天啓七年十一月初三日 一疏

奏爲奸宦之罪甚明斧鉞之誅尚緩懇

祈立賜處分以清蕭牆大禍疏

奏爲仰遵 恩詔直述臣情疏

陸澄源

天啓七年十月廿三日一疏

奏爲恭應 明詔直陳利弊疏

錢元愨

天啓七年十月廿五日一疏

奏爲

聖治維新羣陰見曉疏

錢嘉徵

天啓七年十月廿六日一疏

奏爲請清官府之奸以肅中興之治疏

史躬盛

天啓七年十一月初二日一疏

題爲直發欺 君誤國之奸疏

樊維城

天啓七年十一月初十日一疏

奏爲逆璫反狀宜誅衆正沉寃宜白疏
第十八卷

抑黨

吳尚默

天啓七年十月廿六日一疏
崇禎元年四月十二日一疏

題爲賊臣之身已去賊臣之惡未暴謹
據一時國政以定賊臣罪案疏

題爲廢籍諸臣甄錄有漸論劾諸臣本
末宜明疏

許九臯

天啓七年十一月廿五日一疏

奏爲久鬱之輿情不可不盡紓漏網之

巨姦不可不急誅疏

黃正賓

天啓七年十二月十一日一疏

奏爲聖世除惡務本疏

第十九卷

訟寃

凡有三種一爲人訟者一爲已訟者
一子爲父訟者其未見邸鈔者關

劉應遇

天啓七年十一月十三日一疏
爲楊連訟

奏爲天下有六大苦情神人共憤謹據

實略陳仰祈矜豁疏

王振奇

天啓四年七月十五日一疏
爲萬燝訟

奏爲軫恤冤臣亟賜優錄疏

耿應昌

天啓七年十一月十六日一疏
爲耿胡方惠李五君子訟

奏爲乾綱御極至德難逢敬獻刑官一

得之愚以廣

聖主如天之澤疏

瞿式耜

崇禎元年九月初十日一疏
爲楊魏周三忠烈訟

題爲特表忠中之忠清中之清慘中之

慘仰祈 特賜殊旌以風頽運疏

耿如杞

崇禎元年十月初三日疏
以下俱爲已訟者

· 敘事

奏爲

聖主殊恩難報累臣萬苦堪憐疏

毛士龍

崇禎元年十月十六日一疏

敘事

奏爲

聖主恩深再造孤臣慘極驚天謹瀝血叩謝

天恩疏

胡士容

天啓七年

敘事

奏爲謹明得罪之因并陳無罪之實仰

祈 聖鑒疏

兩邑治行記

附

方震孺

崇禎元年

奏爲孤臣卽日 恩釋疏

惠世揚

崇禎元年

奏爲

第二十卷

訟寃

吏部公疏

崇禎元年十月 日上
以下俱子爲父訟者

題爲遵 旨會看疏

周廷祚

崇禎元年三月初九日一疏四
月初九日一疏五月十三日一疏

奏爲臣父首折逆鋒被禍尤慘璫罪旣

彰父寃宜雪疏

奏爲懇矜首忠俯賜全卹以光泉壤以

瞑忠目疏

奏爲恭陳謝悃并申通逆害正疏

黃宗義

崇禎元年三月十五日一疏
六月初三日一疏

奏爲恭謝 聖恩哀陳父節疏

奏爲公道正明 聖恩加渥再陳死忠

大義疏

楊之易

崇禎元年十月十三日一疏
十月十六日一疏

奏爲恭謝 天恩泣陳冤苦仰祈 聖

鑒以明臣節疏

奏爲羣兇構陷千般孤臣冤死萬狀疏

左國柱

崇禎元年十月

日一疏

奏爲恭謝

天恩并陳積寃仰祈

聖

鑒以昭臣節疏

奏爲逆謀萬的干真父寃一字一淚疏

魏學濂

崇禎元年十月初十日兩疏
二年二月十六日一疏

奏爲恭謝

天恩并陳家難疏

奏爲

聖恩無涯父讎必報敬拜血疏

請伸兩觀之誅以瞑九泉之目疏

奏爲請按逆臣之罪以伸

祖法疏

繆虛白

崇禎元年十月

奏爲恭謝 天恩并陳先臣慘死顛末

懇乞 聖鑒以表忠節疏

周茂蘭

崇禎元年十月

奏爲孤忠已被恩褒沉寃尚未剖晰特

刺血拜疏懇報父讎以彰國法疏

李遜之

崇禎元年十月

奏爲恭謝 天恩併陳寃苦疏

奏爲遵 旨回奏疏

尚世儒

崇禎元年十月十三日一疏

奏爲臣父冤苦

趙清衡

崇禎元年

奏爲臣父孤忠抗直首觸兇鋒疏

丁復學

崇禎元年

奏爲奸黨計串殺命疏

夏承

崇禎元年

奏爲微臣怨在必報疏

周彥陞

崇禎元年

奏爲

袁勲

崇禎元年十月

奏爲

周命寧

崇禎元年十月

奏爲

萬墀

崇禎元年十一月

奏爲先臣疊承異數詣

闕叩謝疏

八孝子鎮撫司前祭父文

渤海漁人虎丘祭五人文

第二十一卷

附紀

朝野紀聞

天啓間事

詔獄慘言

天啓乙丑楊左六君子事

緹騎述

丙寅七君子事

截番案

揚州劉太守事

第二十二卷

附紀

開讀傳信

蘇州

天變邸鈔

北京

二士

汪文言朱祖文

五人

顏佩韋馬傑沈楊楊彥如周文元

第二十三卷

附紀

闡錄

浙江湖廣江西福建

祠額

兩京十三省附祠額偶聯

阻封事略

山海公案

冒爵辨真

寧遠職

五瑞

玉璽出麒麟生

黃河清甘露降

鳳凰見

五奇

神木兵明月夢

風波柱曲突書

震澤漁

第二十四卷

附紀

褒忠卹典

蒙難諸公

誅逆爰書

瑞楫樞虎彪

頌天臚筆卷一

東吳野臣金日升謹輯

諭旨

一大孝

臣聞古帝王未有不以孝治天下者也虞周尚已降及二漢諸帝謚必從孝唐宋徽號亦以孝爲首稱至于循名責實懃德多矣洪惟我

朝

二祖創繼述之猷

十宗紹光大之緒莫不夙稟至德允迪要道有
光前辟垂範來茲然

累朝凡膺代先之痛多逢欣及之榮馨色養
于

東朝極人倫之樂事獨我

皇上當

冲歲而

仙馭雙賓迨

桐封而出入銜恤况當逆璫跋扈彪扇縱橫
之日欲希恩格外隆所自出何可得乎

天贊

聖衷

嗣登大寶于是始得

正匹敵之號

崇遷祔之儀

罔極之恩稍酬于身後

不匱之思永錫于萬方竊覽邸報恭誦

屢告諄諄懇懇必慎必誠有以仰窺

聖天子純衷至性法

祖奉

親卽舜之大孝武之達孝無以踰斯曾何漢唐
宋之足云也于以攬神民之助啓

麟定之祥而縣

曆數于億萬斯年直釀諸純孝一念而有餘
矣誰謂非我

皇上繼天首物之第一義哉

撰大學第一

丁卯八月

禮部接出

聖諭朕惟慶源有自禮必隆于所生孝思永言施必
由于親始典聞教衆誼切同心彝章具存肇
稱宜亟我

皇妣貞靖賢妃芬降華宗躬膺令德徽音夙嘉
于女史婉懿早著于青蒲在昔

皇考毓我弟昆蓋華萼共輝于連枝而顧復各
勤于離裏我

皇兄纂承祧之重典既篤于濬源逮眇躬荷世
及之庥情亦深于惓慕欲酬罔極宜備追崇
正儼休之鴻稱舉遷祔之上典庶永無窮之
問少伸不匱之思爾禮部其會官詳議來議
欽哉敬諭

九月

禮部尚書

等奏爲尊謚事

聖母尊謚

孝純淵靜慈肅毗天鍾聖皇后奉

聖旨覽卿等擬上

聖母尊謚依議送翰林院官擬撰冊文進覽
文書房傳出

聖旨聖母老娘娘遷祔陵寢慶陵并墳園着該
衙門各擇吉日作速興工開挖隧道工部知
道

工部尚書

奏爲傳奉事奉

聖旨聖母遷祔典制隆重應用督催督理等官
着卽見在山陵任事諸臣就近兼攝料理務

要恪遵成憲仰妥玄藏慰朕孝思都着申飭
行

十月

禮科都給事中

奏爲 聖母遷祔

伊邇事奉

聖旨聖母遷祔典禮隆重各該衙門供事官員
各要竭誠備物齊心集事整肅周詳慰朕孝
思如有違悞褻慢者內外監禮科儀衛從重
叅處該科說與他每知道

○內官監 傳奉事奉

聖旨聖母遷祔所開應用物料着工部刻期辦
進仍委司官同該監官相兼看管所用殺廟
手着于昌永二營撥給其興工遣官祭告梓
官經行應搭浮橋應填低窪處着禮部查例
二部會同相度料理行該衙門知道

○禮部接出

聖諭朕思冲幼之時仰賴

光廟莊妃李娘娘撫摩鞠育備盡劬勞不異毛

哀朕今嗣登大寶追念前徽圖報之心實切
于懷且李娘娘與

孝純皇后陵園同兆今者 聖母遷祔有日情
制于禮李娘娘獨厝舊室言念及茲益增悼
愴該部速查例議加上封號以慰幽冥以彰
朕孝思追慕之意特諭

○禮部接出

聖諭原封成妃李氏因逆惡魏忠賢竊弄國柄
矯旨革奪銜寃未雪朕思

皇兄在天之靈仍復成妃該部知道

○禮部接出

聖諭朕念惟身後易名者萬世之經而稱天以謚者臣子之誼蓋所以昭功德垂永久也鴻猷偉績夏古隻今可無博稽舊章式崇廟號
洪惟

大行皇帝躬堯舜之資致唐虞之治繼志述事
襄堂構于三朝雪恥除兇赫聲靈于萬世建
君臣父子之極開蕩平正直之風朝講勵精

批答如響肇稱郊禮則無言之鶚格胥虔篤
念親潢則燕及之河山並奠乃至憑几之末
命亦惟東事之勞心厥功茂矣厥志偉矣不
有鴻稱曷昭盛美然而悶見寡昧無以量測
乎高深惟爾臣庶追思庶能形摹其彷彿爾
禮部其集文武羣臣悉心詳議立名惟核取
義惟允用以掄揚大業彰信來茲擇日恭上
尊謚冊寶以昭我

皇兄之休于無斁欽哉故諭

○禮部爲尊謚事

大行皇帝廟號

熹宗愍皇帝奉

聖旨覽卿等擬上大行皇帝尊謚作速議送翰林院官撰文

○工部爲陵工需用浩亟事奉

聖旨陵寢大典事宜早襄該部旣稱匱乏內帑亦異昔時多方搜括五十萬兩給貯節慎庫同巡視科道官眼同登記支銷以資經始其

餘該部須悉心設法措處接濟務要刻期肇興作速告竣不得遲悞該部知道

○總督河道李 為遵 旨相葺陵工事奉聖旨覽奏皇陵寶城完固無築其議葺饗殿等工着督工各官用心料理大務增修用妥仁祖之靈慰朕孝思該部知道

○特諭內閣

上傳本內凡遇天地祖宗列后字樣皆出格朕不敢與天地祖宗並卿等傳示各衙門欽奉

遵行

○兵部接出

聖諭聖母老娘娘弟和陽衛正千戶劉效祖陞
伯爵劉繼祖陞錦衣衛都指揮同知姪劉文
炳劉文耀俱陞錦衣衛指揮同知都着帶俸
兵部知道

○吏部爲欽奉 聖旨事奉

聖旨聖母懿親劉效祖着封新樂伯歲給祿米
一千石

聖學

臣聞潤色鴻業式是古訓成就君德責在
經筵昔心學肇稱厥惟十六迨誼辟迭起
或相千萬蓋表正殊尚寒暴不一雖復擁
卷戎行萃講高閣而耽月露之末巧雜黃
老之駁術遺譏往牒不易枚舉我

皇上躬天縱之聖則軋行之健

清心寡欲師顧諟于湯銘

緝熙志學法允文于周頌

開筵之請忠愛是褒安危之帙

披閱無間矧

講幄溫文有善必顯辟雍

色笑無思不服度越往昔倚敷盛哉撰聖學第

二

○大學士

奏爲經筵事奉

聖旨覽卿等奏開筵講書具見忠愛知道不經
筵少待明春其日講着于本月廿六日舉行
欽此

○國子監司業朱之俊爲請復太祖制事奉
聖旨覽奏士習戒嚴教範宜飭這條陳學規文
體皆大有裨于雍政薦辟再酌議行餘俱錄
道了

○內閣等揭帖奉

聖旨覽卿等所奏睿資政修啓沃朕懷足見輔
弼忠誠恭進日講諸臣條款朕已洞悉知道
了

○提學御史題爲士習係乎民風事奉

聖旨覽奏士習器陵文體詭異非實力挽回弊
將何極今後士子各宜遵守臥碑有違犯的
卽與重治取文以醇正典雅爲主說得是餘
俱知道了

○大學士施鳳來揭帖奉

聖旨覽奏所進經書講章并御前見安思危諸
本通鑑直解朕不時披閱具見卿等輔導朕
學啓沃朕心足昭忠愛懇切至意知道了

○工科給事中爲景運方隆事奉

聖旨朕惟勵精圖治樂聞諫言開經筵勤召對
慎起居允爲今日沃心保身急務各衙門職
掌攸關都着一洗因循共襄治理仍申明該
科註銷之法按季核實叅奏考選還着遵例
于明春舉行該部知道

○山西道御史題爲履端伊始事奉

聖旨這所奏聖學宜博覽古今通鑑一書有裡
法戒朕方進講知道了勤召對以治泰交訪
邊材以儲急用說得是邇來京庾不足如借

籍沒餘銀以先糴本色寬收減糶以利民兼以羨息給京軍是爲理財一法該部卽與酌議行

○兵科給事中張鼎延爲寶曆初開事

聖旨朕親裁萬幾緝熙志學這本說簡束身心懲前毖後知道了用人宜審不得徇人姑息借題之門說得是大奸宜殛黨與宜清已着法司定罪至慎詔獄誅戮一洗舊習甚有裨于新政該部知道

○提學御史爲 聖主御極事奉

聖旨覽奏勤學召對親賢謹躬皆有裨于政理
年來門戶二字姦黨巨惡借題摧折善良朕
已洞鑒禁錮諸臣分別起用張國紀召還袁
崇煥佐樞俱已有旨了兵部知道

○戶科右給事中黃承昊爲敬效愚忱事奉
聖旨朕遜志熙時凡有關理學諸書都着次第
進講召對亦將不時舉行新綱弘開藩籬宜
撤若何足國安民救寧邊圉各當合志講求

漸成實事再有爭口舌的便是貳心溺職之
臣這說勸賞可行該部知道

○兵科給事中錢 爲仰體 聖衷事奉

聖旨聖學以執中爲要相臣以身任爲資方是
明良盛際說得是餘款俱切中機宜封疆事
重年來効力諸臣如朱燦元閔夢得等俱議
用守正遵職行經本處懸坐賊私梟宜蠲免
都着酌議來說該部知道

內治

臣聞倪天作頌應地徵符椒寢之司維其
棘已然而嗣徽之譽獨觀周年家法之美
差傳宋日孰有

德備坤爻

識資

乾斷如我

聖后者乎方夫

代邸在潛惕若集木

大寶初續實繁伏莽顧上而曲護

飛龍下則默叅射隼誠彤管莫旣青簡爲烈矣

況夫

普葛榮之德則小星在御

衍蚤羽之慶則繞電流祥

女士之釐匪天意歟撰內治第三

○禮部接出

聖諭朕聞太極玄撰首開乾坤天地合德乃生
萬物則君之有后固儷體于兩儀而弼成于

風化者也朕昭受鴻圖誕撫函夏思順陰陽
剛柔之道茂衍室家君王之傳嘉內德于安
貞稽懿徽于溫惠敬崇壹教宜正隆稱元妃
周氏揚芬華族毓慶軫源

皇兄慎選以配朕躬夙夜無違而闡敬戒已受
封章于潛邸丕續景命以維新四德咸修六
官著範可冊立爲皇后女順蔚承乾之佑坤
寧協應地之符爾禮部擇日舉行特諭

○禮部等衙門爲欽奉

勅諭事謹于九月二十七日辰時

冊封

皇后奉

聖旨是着禮部尚書來宗道持節英國公張惟
賢捧冊大學士黃立極捧璽施鳳來行禮

○文書房傳出

聖諭禮部朕選東西兩宮爾禮部傳行五城于
各該地方訪舉并及女子年十四至十六歲
容貌清端德性賢淑者許赴官報名聽候選
擇其應行事宜爾禮部便開具來看故諭

篤親

臣聞九經斂蒲蘆之樹次及親親肆筵歌
行葦之葉實惟戚戚迺鴻飛遵渚猶俟風
雷鵲鴒在原僅同華萼蓋冠履旣懸肺腑
斯逝千古一轍勢固然爾我

朝上自

二祖下迄

列宗世篤本支誼毗左翼自罹璫禍急出
桐封咸知司馬之心明翦

潛龍之羽亶茲所需悉爲裁削幸我

皇上奮此赫怒殲厥凶豎

悼日馭之沉灼艾匪痛

軫天璜之憾長枕爲薄爰普

一視暨此

三藩

先帝釋其遺憾

皇祖罔或時惻之翰逾聯維城彌鞏一舉數善

莫備是矣撰篤親第四

○瑞王奏爲贍田奉 旨至三事奉

聖旨覽王奏闔府養贍田土奉旨已久如何該撫按官推掇耽延不行完報顯是違玩姑不究還着上緊撥派某府州縣田土造冊送府自行收管立業如有仍前玩視不遵的該部指名叅來處治毋失朕篤念親藩至意

○桂王奏爲微臣已承去國事奉

聖旨覽王奏桐封告竣朕心嘉悅諸所經涉地方與護送諸臣及有供事敬怠俱已洞悉楚

最煩悍隨封應竣房屋及園府內外供給着
該撫按嚴飭府縣官速行處置無得延緩責
有所歸該部知道

○瑞王奏爲食鹽道遠事奉

聖旨覽奏漢中河東水陸阻隔遠支食鹽驛費
煩重委有未便着依議改支川省商課仍前
包納以體王順民節省費煩之意該部知道

○瑞王奏爲循例請賜協濟事奉

聖旨王封漢中賫遣之使崎嶇遠道所請站銀

着照例議給協濟無致困累該部知道

○兵部等衙門恭報封王升殿之期事九

月初六日 登極奉

聖旨覽奏桂王入邸藩封事竣朕心嘉悅府第
工作既完殿廷其餘還着上緊督造在事諸
臣俟通完日另敘該部知道

○巡按湖廣監察御史溫 奏爲

三王經臨事奉

聖旨據奏三王經臨皆利涉無阻俱已就國該

地方官護送勤慎克襄大典朕心嘉悅知道
了該部知道

○兵部接出

聖諭皇后父南城兵馬司副指揮周奎陞五軍
都督府都督同知兵部知道

○左都督劉岱奏爲 聖明御宇事奉

聖旨朕新御極頒恩戚臣自宜篤厚然其親疎
亦有不同着部科酌議具覆

○駙馬齊贊元奏爲權惡已除事奉

聖旨齊贊元李忠互相糾叅殊違和氣李忠等
着照舊管理府事齊贊元身爲懿親不得更
懷夙嫌齊歌凱准復原職不許擅入府門近
侍魏奉非本府之官着禁杜不得往來該衙
門知道

睿鑒

臣聞秦銅之照肝膽必徹禹鼎之鑄魑魅
罔遁光武懾西河之心明見萬里孝昭燭
上官之詐年纔十四事赫往牒談美千古
然而匪狐匪島代有北風之感侯薪侯蒸
世鮮中林之辨典兵覆唐而累傳未聞更
瑟植黨危趙而終始卒如尋轍不聰之鴻
疇昔然矣我

皇上體睿知之資緝

光明之學

龍潛則遵養攸宜

霆擊則大奸距脫貂璫之柄立釋旄鉞之寄彌
慎言路之言勗以洗濯薦人之人卽用轉
核

日月所照艸野慶焉撰序鑒第五

○吏部接出

聖諭朕承

祖宗洪基嗣登大寶早夜思維銳精治理稔知

巨惡魏忠賢等竊

先帝之寵靈擅朝廷之威福密結羣姦矯誣善類稍有觸忌肆行慘殺頻年誣讎不知幾許削奪不知幾許幽圜蔽日沉累彌天冤抑所積上干玄象以至星殞地裂歲祲兵連不可謂非逆惡所致也今魏忠賢崔呈秀天刑已殛臣民之憤稍舒而詔獄游魂猶然聳銅鐵冤未伸豈所以昭朕維新之治乎着該部院并九卿科道將已前斥害諸臣從公酌議採

擇官評有非法禁死情最可憫者應褒贈卽
與褒贈應廕卹卽與廕卹其削奪牽連者應
復官卽與復官應起用卽與起用有身故捏
贓難結家屬波累猶羈者應開釋卽與開釋
勿致久淹傷朕好生之意嗚呼天網恢恢無
姦不破王道蕩蕩有側宜平朕茲寬解悵懌
咸與昭蘇偕之正直以後諸臣大家以國事
爲重毋尋玄黃之角體朕平明之化特諭

○兵部接出

聖諭朕惟軍旅國之大事也必事權一而後號
令行人和協而後勝算得然勢敵則交譖力
均則相擊自非審一以期何由出令制勝
先帝于宣雲關薊寧遠東江等處督撫而外分
遣內臣協同鎮守蓋亦慎疆圉之意而一柄
兩操侵尋滋弊比來內外督臣意見參商嫌
隙萌構彼此自命咸稱贅員得且相蒙失且
相卸封疆事重其能堪此且內臣而遣以清
軍查餉專責而督鎮諸臣各有異見委難并

任矧宦官觀兵古來有戒朕今于各處鎮守
內官一槩撤回一切相度機宜約束吏士無
事修備有事却敵俱聽督撫便宜調度無復
委任不專體統相軋以藉其口各鎮督撫諸
臣及大小將領務提起精神殫竭忠畫以副
朕懷語曰明君委任以責成功功成有重賞
不成有顯罰其斯聽朕命爾兵部卽馬上差
人傳與各鎮每知道諭到之日各內官都着
作速馳驛回京將原領在官器械馬匹如數

交與督撫分給諸將以備戰守清開數目具
奏其自備器械馬匹攜帶回京毋得阻撓特
諭

○吏部都察院接出

聖諭朕宅丕基君臨宇甸念國家無一事不倚
藉經費無毫忽不取辦小民惟此駢手胝足
之儔實九邊荷戈之命勞苦最甚噢咻宜先
所賴郡邑有司矢志循良殫心咨恤而頃年
以來官方罕課吏治日非貪墨載途鸞鳳絕

響敲朴視爲故事農桑置若罔聞暴歛橫征
厭養之腹縮同里串供繕納之需吾民之
罹于虐政者亦旣水火不啻矣其地方撫按
司道有察吏之責者又皆膏肓積習倒置官
評樂逢迎之外親仇清白之異已猥徇情面
姑示調停科甲正官雖貪殘尚從寬典明經
郡佐卽殫竭僅取備員甚者決裂隄防弁髦
風憲遽方而效清流之沉湎擁傳而煩閭左
之征求躬自教猱人惟刑象如此弊風更難

枚指朕痛之恨之所以然者皆爾部院嚮策
無施紀綱不振節鉞重臣置若郵傳豈聽憲
使用及匪人卒有不問撫民之實効復集考
核稱職之虛文功實由斯盡隳民生因而重
困茲特諭爾部今後推用巡撫必擇廉明精
練周知民隱者畀以保釐之寄治有成績加
銜久任其品足表儀才堪卿寺者無妨洊歷
清曹不必內外頻遷以節鉞爲通傳之舍巡
按各差御史于考選時卽加精核在差事宜

公
卷一
悉依巡方總爲申飭舉行回道之日爾部院
嚴加考察有不稱職奏請處分勿得槩填稱
職以憲綱爲相沿之故套仍嚴諭撫按官今
後有司真正貪酷黷財害民者不待入境報
滿之期卽時叅奏鞠核無枉朕處以

祖宗之法其論劾事情欵列備載無駢詞而失
實無叅重而處輕無置豺狼而問狐狸俾貪
人敗露而隱匿頒諭之後在內部院衙門卽
時遵守在外撫按衙門近者一月遠者三月

以欽奉施行如或仍踵敝風空文塞責朕得
于省覽立便抽查該科看詳章奏卽行糾發
以溺職召罪將稂莠盡除嘉禾滋殖聿還

累朝熙洽之盛庶釋一夫不獲之憂朕與諸臣
皆有令聞欽哉特諭

○吏科等科河南道等道接出

聖諭朕惟

祖宗設立科道衙門以警官邪寄耳目之司廣
聰明之用爲國家毗倚甚重慨自逆姦用事

殺戮忠良一時直言敢諫之士動遭屏斥遂
令諸臣有懷莫吐鬱懣有日冀一發舒譬之
川然壅而必決勢固然也朕卽位以來弘開
言路諸臣條奏不憚再三省覽日御文華謀
求商確發奸指摘之章朝上夕下多見施行
乃竭誠報國者固在朕鑒沾譽管私者未盡
人言薦舉屢戒無濫輒累牘以市恩糾奏論
核失真或游移而鮮實初閱封章侃然忠諫
及朕詰問但諉風聞至不辨忠邪槩行論劾

使大臣不安其位誰與共理甚非朕虛懷樂
諫推誠茹納之初意也朕今特諭爾科道諸
臣以後務洗積習各循大道一秉虛公咸敷
忠直條奏必歷歷可行勿勦襲而徒紛口吻
彈劾必事事有據勿逞臆而盡抹生平諸臣
身膺風紀尤宜先自洗濯處于無瑕之地其
有任意誣毀藉口風聞其或持已不嚴官常
先裂者朕得于鑒察定下部院勘實嚴處論
人不當按以反坐之條決不爾貸使居官路

者無得錯雜是非其有官守者必不混淆名實治亂在茲各宜愆飭欽哉故諭

○吏部都察院接出

聖諭朕惟國家勵世磨鈍莫重勸懲朝廷賞善罰惡全憑舉劾

祖制在內總協院科城寺廠庫巡視在外督撫官關按漕倉屯鹽學政諸差每當事竣之期例有舉劾之典凡以論辨官方課修職業關係甚重不知起自何年沿成積套曠職掌而

弗談習鋪張爲故事核吏則人皆卓異課武
則材盡孫吳殊乖論奏之經無當激揚之實
朕深厭之特諭爾部院傳示內外各衙門各
後撫按等差任滿舉薦所屬司府州縣各官
或守極清嚴或才剋煩劇或綜釐弊詭或撫
字心勞酌略稱揚言斯當實間有異等茂猷
清節取一二條以備訪據不得但設駢詞混
加誇詡論劾貪酷浮躁不及等官指事糾彈
各有本色無罰重而叅輕使甲苛而乙縱其

餘征解完通轉輸遲速修守堅瑕兵屯舉廢
與夫佐貳首領教職武弁凡有論薦悉循職
掌其地方人材亦必確訪素行果克先任無
過月旦共推者方許登奏不得朝懸吏議參
濫臺章以荐剡爲燃灰之捷徑諭頒之後內
外應行舉劾衙門先具遵奉回奏以後通行
恪守罔有異同朕方按章牘以程功實核行
能而施舉錯一洗浮虛誕慢之習共敦大明
作用之猷權輿自茲永爲成憲欽哉故諭

○戶部都察院接出

聖諭朕披覽載籍見古昔帝王無不以敬

天恤民爲第一義而其要在用人理財靖亂庇
民有司各齊其官萬姓不墮其業相以消弭
災沴輦固邊防道義由長邇者

上天垂戒月食太甚朕仰觀玄象惕焉不寧傳
日月食脩刑得非其辜含悲兆民怨苦愁氣
所結致茲薄蝕欽此朕夙夜徬徨與爾大小
臣工共圖挽回災變之策卽如九邊京運歲

入不敷所出遼黔新餉日增而尤虞其匱噉
噉咨怨實在三軍欲求充足其道何由簪笏
盈朝而山林之沉錮者未登啓事夫位署有
定壅滯堪通而各衙門多官冗吏猥濫更甚
分毫無益徒吸民膏裁減清汰豈可不極力
講求加派之徵勢非得已近來有司復敲骨
竭髓以實其橐則懷保百姓寬省刑罰潔已
愛民責在良吏作何選擇蘇此凋敝目今東
西交訐戰守迄無定謀師老財殫治安尚鮮

成筭禦侮之道其効安在況且民貧而歲復
稔吏竄而治日骹大臣憂譏畏譏不得靖共
之圖小臣望氣占風已長紛囂之漸有一垂
此是千天和爾九卿科道務秉丹誠各陳所
見卽勅諭所未載不妨悉心條畫苟可以安
民察吏富國安邊者朕將採行之諸臣亦宜
痛洗夙習共勵公忠以副予一人則身脩行
之實意勿徒以虛文塞責其敬聽朕命特諭
吏部接出

聖諭朕自御極以來夙夜焦勞惟茲封疆民瘼
遲迴在念而邊備積弛閭閻久困臣工習俗
相沿常牽情面之故套政事奉行不實徒誇
紙上之空言故屢召平臺時歷商確期振情
竅之弊一新明作之猷第召見以時則情意
未洽諮詢有間或參酌未詳朕與大小臣工
自相晉接共籌庶務而諸司各有職掌協理
各有公署宣召頻煩恐滋耽閣惟是輔臣職
任股肱寄膺心膂票擬挈封疆之領要獻納

關庶政之權輿呼吸相通斯爲最切今後除
盛暑嚴寒之外朕當時御文華一切章奏與
輔臣面加叅詳分別可否務求至當爾大小
臣工各宜清白乃衷靖共爾位有官守者恪
修職業無飾虛文而墮實事有言責者殫竭
惓誠無昧自心而滋臆說若事關奏請宜剖
晰者仍候不時單宣面垂詢察核舉廢以程
勤惰按是非以辨貞邪奉公有特恩徇私有
顯罰一洗欺玩頹靡之習共收奮庸熙績之

功爾等欽哉故諭

○內旨

上傳吏部都察院通政司六科等衙門近來章
奏未經御覽報房先已發抄漏泄機密成何
法紀除已往不究外以後各衙門奏疏須候
批已下纔許報房發抄如有不遵的着法司
嚴提抄報人重處至一槩私揭俱不許抄違
者并處

○戶科左給事中李覺斯奏爲敬陳芻蕘事

奉

聖旨這本說臨御之初提綱挈領整齊嚴肅深得謹始第一義至尊

祖訓恤民窮廣出納朕與中外諸臣力行之破情面以勵公忠禁苞苴以辨真品尤得砥時救弊之法果有徇情害政賄賂滋彰者科道官卽宜從實糾叅該科記着該部知道

○內閣揭帖奉

聖旨覽卿等所奏具見爲國籌邊恢復疆域之

意朕悉鑒知但師克在和事權貴一督鎮諸臣意見參商各邊鎮守內臣一槩撤回封疆事重其戰守機宜俱付督撫諸臣肩任朕知道

○四川道御史爲 聖政方新事奉

聖旨崔呈秀嫁禍李思誠一案會勘自明宜大訪事旂尉自同內鎮撤回其補誥勅寬繫累着該部議妥具奏餘俱知道了該部知道
○吏科給事中爲聖政日新事奉

聖旨羣臣流品經

先帝分別澄汰業已清明朕初御極嘉與士大夫共臻平康之治倘有奸詭宵人講張變幻暗布機關攪亂新政緝事衙門嚴行緝訪確有實據重處不宥亦不許揣摩風影致生枝蔓該部科知道

○通政使呂圖南題爲媚祠之罪事奉

聖旨該司守正不阿所薦諸臣本末俱確黃克纘着卽起用林針等六詞臣及虞廷陞俱着

各復原官前來供職朕受言雖廣用才必核
所薦之人亦將轉核其薦人之人諸臣慎之
該部知道

○吏部主事題爲仰體孝治事奉

聖旨往日追奪誥命諸臣因有可原者也豈無
應追奪不可稱枉者如何一槩補與卽想近
新追奪之潘汝顏謂不當其罪未還欽別殿
議爲妄本中說袁崇煥一節有與確議覆奏
該部知道

○豐城侯李 奏爲功茂上賞事奉

聖旨毛文龍牽制之關部科道臣自有公論何
必浮談市德朕御極之初曾幾何日而連疏
瀆奏殊不諳事體姑不究以後不得煩擾

○督師王 奏爲遼事不堪終悞事奉

聖旨卿前疏稱贅員今復自謂虛拘朕已洞悉
卿意軍旅之事全在節制事權統一若分執
其權隨意輕重人各從臾豈能得宜可謂確
當之論已有勅諭將各邊內鎮盡行撤回

切兵馬錢糧器械等項俱着交割督撫鎮道衙門爲守禦之用封疆事重卿須一力擔當凡大將以下悉聽約束有未盡者着不時添奏以稱委任至意該部知道

○通政使呂圖南奏爲貢生進言之心甚急事奉

聖旨覽奏兩敘媚疏心事皎然錢嘉徵妄訴不
必多辯卽出供職原駁二疏着封進來看陸
萬齡曹代何着法司究問李映日着革去衣

巾以正士習該部知道

○江西道御史周題爲聖斷旣彰事奉
聖旨票擬原閣臣職掌事關重大親題御札不
時召見朕當次第採行至明職守慎名器收
廢弁俱得時政之宜着該部分別酌覆
○工部題爲停止新例以清冒濫事奉
聖旨覽奏事例准貢等六款委該官袁光當議
革該部知道

○叅將江起龍奏爲聖治煥然事奉

聖旨糾彈奸惡原係言官職業豈得旁侵江起
龍何官也來恰唾激聒顯是出位姑不究該
部知道

○江西道御史爲謹遵會勘之旨事奉

聖旨這本因會勘權奸而究極源委可謂切當
之論連日薦人之牘章滿公車揔彙精擇取
自上裁自是吏部職掌朝廷用人惟求真才
以濟時用若一舉濫收覆車可鑑九卿科道
俱要曉的此意該部知道

○戶部員外王守履爲奸臣之罪狀事奉
聖旨這本說崔呈秀罪狀明悉先行削籍爲民
追奪誥命俟會勘定奪陳爾翼三疏自相矛
盾是非反覆着冠帶閑住舊輔韓爌清忠着
執朕所鑒知虞廷陛有旨了杜齊芳劉先德
該部都與酌覆

○浙江道御史陸獻明爲逆酋恃黨事奉
聖旨這本說黔事情形甚悉開屯養兵嚴偵防
賊具見方略至剿以成撫還悉心與督臣計

議行該部知道

○山東道御史吳尚默題爲摧折一時之人
事奉

聖旨這本說銓補陞差等項報罷諸臣俱已有
旨近來陞轉委有未妥以後推陞論資俸論
功勞非實缺勿補如議行李思誠已有旨不
其善類羅織的還着確議昭雪該部知道欽
○雲南道御史奏爲朝政方新事奉

聖旨這本說得是近日薦人之疏業已不勝

雜以後議論還歸言路非言責各修本等職
業不許旁置薦人所薦不當薦者坐罪若所
真確着次第起用鄒元標夙有品望不宜
苛求已有旨了該部知道

○太僕寺卿洪如鐘奏爲肅剛大振事舉
聖旨這本說提衡流品全在觀人深知職掌不
宜以東林門戶名號錮人正得較時針砭奸
惡旣去諸臣當公忠體國勿以恩怨互報着
實申飭行褒擬慘死各官已有旨了該部知

道

○戶部主事陳此心爲 聖治重光事奉

聖旨這本說責成樞督嚴覈虛冒公平賞罰等
款俱于邊事有裨着該部看議來說蘇解役
恤困商工款朕當擇用餘俱有旨了袁崇煥
錯寫袁崇正殊欠敬慎姑不究着改正行該
部知道

○巡按順天監察御史爲奉 聖諭事奉

聖旨魏忠賢縊死果否正身嚴查明報具奏

○刑科給事中楊文岳爲 聖政一新事奉
聖旨這本說得是所薦諸臣俱確慎簡銓臣最
當今日進退人才第一義起用一節銓臣簡
用後當從公分別無遺以平人情無濫以定
國是一切係門戶不係門戶字樣俱爲朕撥
弃不譚無留以爲玄黃相角恩怨相尋之端
在廷諸臣各體此意評中行等官在京應考
者准先行考選以通言路川功從公論議已
有旨了該部知道

○上林苑典簿樊維城奏爲奉旨直糾事奉
聖旨巨奸魏忠賢等天刑已殛家產籍沒足釋
神人之憤其本內有名諸臣已經回籍不必
苛求樊維城擅私逞臆屢出位多言本當重
處姑饒一次不係言官再來瀆擾的定行重
處不宥該部知道

○雲南道御史爲 聖主急于考選事奉
聖旨胡煥猷着會議依律定罪有旨了雖必有
賄使之者但不必搜尋以滋葛藤惟起用一

節各秉虛公加之慎重九卿科道作速叅酌
無遺無濫以聽裁奪這本防微杜漸憂深慮
遠于人情國是深有關係朕甚嘉之該部知
道

○戶部題爲黔事久罷事奉

聖旨貴州師旅方急南都亦根本重地該部盡
以楚餉應黔封疆之計得矣南庾匱乏將何
以支還悉心商確具奏該部知道

○太監王大政奏爲大奸已除事奉

聖旨覽奏王惟善把持衙門侵欺稅課隱匿犯人魏良卿家私着該城御史并內臣張邦治等眼同追出具奏恭進不許仇扳無干橫生枝節該衙門知道

○巡按陝西監察御史袁鯨題爲權奸伏辟
事奉

聖旨袁鯨向糾王紹徽原與崔呈秀無涉朕所鑒知楚自楊漣被難以後人材摧落真可憫惜已有旨次第起用了該部知道

○吏科給事中劉漢儒爲 聖政聿新事奉
聖旨王道本乎人情此是蕩平要論起用諸臣
及見在加級加銜諸臣都着細加分別務要
確論嚴禁紛囂屏逐羣小已有旨了畿民料
豆最稱苦累着戶部于督餉御史區畫停當
來說該部知道

○監生周鼎奏爲 聖世不棄多言事務練
兵事奉

聖旨據奏似非無慨于中者着該部與京營總

協科道官計加考成如有可用方漸與職銜受事以觀厥成勿墮游人臆說之悞該部知道

○撫寧侯朱國弼爲直陳微臣被抑事奉聖旨這所奏卹典誥命該部查例與復周如杰等并查明牽累情由覆議具奏該部知道

○戶科給事中鍾烱爲泰運開于三陽事奉聖旨覽奏竭天下物力東函奴西黔局以一言制奴良是閣臣倚在帷幄力肩國是新舊諸

臣當勉圖之至起廢宜別節義成風學文不
必忌諱皆于時政爲有裨益該部知道

○河南道御史羅元賓爲起廢考選事奉

聖旨朕與諸臣共偕大道故起廢考選一并舉
行惟期合新舊人才以圖治安其有修隙傾
擠及借題報復的朕察其心跡定行重處諸
臣宜消融意見各修職業毋頗僻以取罪責
該部知道

○山東道御史吳 題爲廢棄諸臣事奉

聖旨年來媚璫諸奸巧借題目彈劾希旨以固
身名宜核本末次第登用說得是鄭三晉余
茂衡等都復還官誥以需起用楊漣等正氣
久鬱速與卹錄舊輔孫承宗經緯宏猷勞久
功多朕自當召用李邦華查國寧等俱與酌
議起用以儲封疆之寄該部知道

恩賚

臣聞懋賞著于殷誥大賚紀乎周典或挾
纊而詎濫或惜袴而匪裔施旣殊用受斯
異感顧代邸入纂恩數未聞濮藩援立渙
澤罕記惟我

肅皇帝旣正大寶頗彰優異頌聲率土于今爲
烈我

皇上繩武繼天

聖澤淪洽上自朝彥下迨戍卒莫不

錫之百朋賁及再世至于從

龍之舊莫或私覲肺石之繫咸竝昭蘇不階不
濫曷以加焉撰恩賚第六

○文書房傳出

聖諭禮部兵部朕卽位之初重念守邊官軍勤
勞宜加賞賚禮部便會同兵部查遼東至其
肅沿邊一帶官軍實數來看

○諭內閣

聖諭朕以嗣登大寶念切邊軍苦寒所有在京

并沿邊軍士員役人等賞賚見今內庫缺乏
查照舊例動支戶部太倉銀三十萬兩兵部
太僕寺馬價銀三十萬兩工部銀二十萬兩
光祿寺銀三萬兩順天府搜括稅契銀一萬
兩着各該衙門作速給發以爲賞軍之用不
得延緩稽遲卿等傳示各官仰體朕意不得
推諉特諭

○禮部爲欽奉 勅諭事奉

聖旨這各鎮官軍員數旣經查覆每名着賞銀

二兩寫勅付差官解發前去各該按臣會同
總督撫鎮核實給散事竣之日造冊奏繳仍
送清冊報部以憑稽核務使賞無冒費軍沾
實惠稱朕念邊至意餘俱依議行

○戶部爲欽奉 聖諭事奉

聖旨這登極賞賚各邊軍士歧望已久稽延時
日甚失朕躬念邊至意該部及各衙門還遵
前旨照依原派數目作速那移抵發無再推
諉耽延以取罪責稽核虛實之說亦是長便

解發時另如議申飭行該部知道

○禮部題爲欽奉 聖諭事奉

聖旨朕登極之初賞賚在京文武羣臣軍民人等原係彝典但當茲萬分匱乏之日人數賞數俱不妨酌量減裁其某項員名應賞若干明註實數其某項銀兩絹布鈔錠應係何衙門辦發亦明與坐派回奏各衙門務要用心措處稱朕恩意不得延挨推諉專覲內帑該部知道

○戶部題爲京軍布花屆期事奉

聖旨覽奏天氣漸寒京軍布花宜緩發着該部那借給與并督催各處本色有起解拖延者嚴加考成之法其內庫應與協濟多認本色還酌議來說該部知道

○江西道御史奏爲御極方新事奉

聖旨九邊賞賚恩詔久頒原派衙門作速措發以信明旨考選臺諫寬恤民困都着該部酌議來說

○兵部員外王新民題爲川功鬱抑有年事
奉

聖旨蜀黔用師原局二案滿酋獻俘結局已久
忤權璫意停閣賞格殊灰任事者之心這本
說得是該部將四川功案詳加查核分別敘
賞來說以俟裁奪該部知道

○兵部奏爲文武一體事奉

聖旨武科額值朕登極首科着照例增二十名
該部知道

頌
八臚筆卷之一
後